



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1863

LII. Das Kloster Leitzkau überweist Renten einem seiner Altäre, am 27. Juli
1314.

Nutzungsbedingungen

[urn:nbn:de:hbz:466:1-55861](https://nbn-resolving.org/urn:nbn:de:hbz:466:1-55861)

aquis, pratis, pascuis ac aliis vtilitatibus vniuersis ex nunc et perpetuis temporibus absque omni seruitio communi seu priuato et absque omni exactione, precarie seu preangarie solito proprietatis titulo possidendam, pro qua proprietate a nobis data Idem dominus prepositus nobis octoginta marcas Brandenburgensis monete et ponderis nobis dedit ac plenius persoluit. Sic itaque mittimus per presentes eundem dominum prepositum ceterosque dominos ipsius Canonicos in possessionem dicte ville, Renunciantes simpliciter eciam omnibus Juribus, actionibus, Jurisdictioni et proprietati, que nobis in dicta villa hactenus competebant. Addicimus eciam, si Idem dominus prepositus et sui Canonici molendina in ipsa villa vel infra metas terminorum dicte ville attinencium construere vulerint, hoc oportune sibi et suis concanonice licebit. Et ne huiusmodi nostra donacio per nos rite facta queat a nostris heredibus aut successoribus in posterum aliquo modo violari, presentes litteras de nostro iussu et certa sciencia super eo editas in premissis donacionis euidentis testimonium et robur perpetuo valiturum, presentibus testibus Idoneis hinrico et frederico de aluenfleue, fratribus, hinrico Schenken, lodewico de wantzleue, droysekone, dapifero, militibus, domino Johanne, preposito de Sehufen, Bertoldo de dobrun, hermanno de arneborch, nostro protonotario et aliis pluribus fide dignis, dedimus nostri Sigilli munimine roboratas. Datum in Werbelino, anno domini millesimo trecentesimo XIII, quarta feria Infra octauas beate marie virginis gloriose.

Aus dem Copiarium No. 32 Zericho p. 11—13 im Königl. Prov.-Archive zu Magdeburg.

LII. Das Kloster Leitzkau überweist Renten einem seiner Mönche, am 27. Juli 1314.

In Nomine domini Amen. Quum omnia facta hominum per diurnam successionem temporis euanescent, vtili compertum est cautela et necessarie procuratum, vt super donacionibus proprietatum instrumenta conficiantur auctentica, Quibus, cum oportunum fuerit, questio tollatur dubii et mera veritas comprobetur. Proinde nos Johannes, dei gracia prepositus lytzkenfis, totumque capitulum eiusdem ecclesie Notum esse volumus tam presentibus, quam futuris, Quod de vnanimi consensu Indicto ad hoc capitulo vendidimus et donauimus fratribus Kalendarum, ad quorum confraternitatem nos pertinemus, ad altare In honore Beati Johannis Ewangeliste et Sancti Nicolai consecratum In nostra ecclesia, vbi singulis diebus missa dicitur pro salute fratrum viuorum et defunctorum, tria talenta denariorum In lytzka datuorum, Qui dabuntur In locis et terminis infrascriptis, Scilicet de duabus vineis, sitis iuxta opidum litzka, Quarum vna vocatur domini camerarii Et alia domini Geronis de wluen, de Qualibet In festo Beati Martini X solidi, Et in eodem opido de tribus curiis, Quarum due site sunt iuxta cimiterium et vna, que dicitur Crutgarde, que in festo beati Nicolai I talentum erogabunt, videlicet de duabus curiis IIII solidos Et de ea, que dicitur crutgarde, VI solidos, Item In festo Beati Johannis baptiste In decitz villa X solidi et in villa Quast X solidi dabuntur, Eo modo et iure, quo ipsos possidemus et recepimus, dicto altari perpetuo appropriantes. Qui quidem denarii decano fratrum Kalendarum in temporibus prenotatis presententur Et ab eodem decano singulis ebdomadibus dominis nostris dictum altare officiantibus dicti denarii diuidentur Ita, ut anno finito numerus denariorum finiatur: Et si in vna ebdomada

deficeret, quod denarios dictos non daret aut forte non haberet, tunc In viciniore termino cum sepe dictos denarios procurare poterit, tam neglectos, quam tunc dandos ministrabit. Vt autem nostre vendicionis et donacionis actio Imperpetuum stabilis perseveret, presens scriptum Sigillo nostro nostrique capituli fecimus roborari. Acta sunt hec presentibus hiis Domino hinrico, plebano In lubenitz, decano fratrum Kalendarum, et magistro vlrico, decano collegii Sancti Bartolomei In Cerwist, Et magistro Henrico, canonico ibidem, Et domino Johanne, plebano sancti nicolai ibidem, et aliis quam pluribus fide dignis. Datum In monte lytzka, anno domini M^o CCC^o XIII, sexto Kalendas Augusti.

Copiale No. 53 f. 12—13 des Königl. Prov.-Archivs zu Magdeburg.

LIII. Johann Gruelhut beschenkt die Petricapelle zu Brandenburg, behufs ihrer Herstellung, am 2. Dezember 1314.

Ad notitiam omnium quorum nosse interest et intererit in futurum cupimus devenire, quod honorabilis Dns. Johannes dictus Gruelhut, Magd. Ecclesie Canonicus, pium et devotum circa capellam antiquam Beati Petri Principis Apostolorum sitam juxta Cathedralem Ecclesiam Brandenburgensem gestans affectum, ad reformationem eiusdem Capelle, quam vidit sicut et nos vidimus adeo dirutam quondam et desolatam, quod nullo frequentaretur fidelium accessu, nec divina officia ibidem unquam agerentur, devotius cogitavit, sed attendens, quod absque temporalibus spiritualia subsistere nequeunt, In remedium anime sue ac animarum patris sui Theodorici militis et Facye matris sue omniumque progenitorum et heredum suorum, quorum Rectores huiusmodi Capelle Ecclesiasticis suffragiis memoriam habere teneantur, Et vt anniversarius Reverendi felicis recollectionis Dni. Volradi, predecessoris olim Brandenburgensis Episcopi, cum vigiliis et missa in choro per canonicos Ecclesie Brandenburgensis et pitantie huiusdem Canonicis de infra scriptis facienda singulis annis perpetuo solemniter peragatur, quatuor choros filiginis de bonis suis Clebelock, liberam solus habens rerum suarum administrationem, in dotem et pro dote, etiam consentiente fratre suo Burchardo, milite dicto Gruelhut, cum duobus filiis suis Johanne, scilicet et Alberto, coram nobis cum sicut a nobis et ab Ecclesia nostra tenuit, donavit, tradidit et assignavit et resignavit ad usum et commodum dicte Capelle ac Rectorum eius libere perpetuis temporibus possidendos etc. Datum Brandenburg, ab Incarnatione Domini MCCCXIII, IV Non. Dec.

Aus Beckmann's Abschrift.